



**Eminentissimi Ac Reverendissimi Domini, D. Joannis Baptistæ, Cardinalis De Luca, Theatrum Veritatis Et Justitiæ, Sive Decisivi Discursus**

Ad Veritatem Editi In Forensibus Controversiis, Canonicis & Civilibus, in quibus in Urbe Advocatus, pro una partium scripsit, vel Consultus respondit ; Cum Indicibus Argumentorum, Causarum ac Rerum luculentissimis. Opus Tam Judicibus, Quam Causarum Patronis, atque omnibus in utroque Foro ...

Pars I. De Testamentis, Codicillis, & ultimis voluntatibus. Pars II. De Hærede, & Hæreditate. Pars III. De Legitima Trebellianica, & aliis Detractionibus

**Luca, Giovanni Battista de**

**Coloniae Agrippinae, 1690**

Disc. XLI. Nullius suppressis nominibus. Testamentu[u]m in statu valido conditum, an per supervenientem testatoris furorem, vel dementiam, aliquem defectum patiat; Et quatenus non; Si institutione ...

DE TESTAMENTIS  
NULLIUS  
SVPRESSIS NOMINIBVS.

*Responsum pro veritate.*

Testamentum in statu valido conditum, an per supervenientem testatoris furorem, vel dementiam, aliquem defectum patiatur; Et quatenus non, si institutio hæredis concepta sit per verba præsentis temporis, aded ut denotent eam factam esse in bonis, quæ tunc testator possidebat, An complectatur bona post dementiam in testatorem obventa.

SUMMARIUM.

- 1 **F**acti series.
- 2 **F** Per quæ verba inducatur voluntas disponendi de bonis presentibus tantum.
- 3 **T**estamentum non infirmatur per superventum furorem.
- 4 **I**nstituto facta in certis bonis, efficitur universalis, & de ratione.
- 5 **Q**uid ubi adest dictio taxativa.

DISCURSUS XLI.

**Q**Uædam mulier duos habens filios, Unius solam legitimam jure particularis institutionis reliquit, Alterum verò heredem universalem scripsit in omnibus bonis mobilibus, immobilibus, juribus, & actionibus, spectantibus ad ipsam testatricem; Cumque post testamentum in mensi infirmitatem incidisset, atque in hoc statu eidem delata esset pinguis ejus fratris intestata successio; Hinc propterea orta est dubitatio, an dictus filius, qui hæres universalis scriptus erat, præterire quoque posset privativè ad alium fratrem dicta bona post testamentum, atque in statu furoris testatrici superventa.

Dubitandi autem rationem præbebant deducta per *Soccin. junior. conf. 99. lib. 3.* ubi firmatur ut verba, *spectantibus, seu pertinentibus*, utpotè præsentis temporis, denotent solum bona per disponentem possessa tempore dispositionis, non autem comprehendant ea, quæ postmodum obvenierunt; Arguendo etiam à verisimili, quod si testatrix, quæ non magnam fortunam de tempore testamenti habebat, cogitasset ad dictam aliam pinguiorem obventuram, seu quod eadem obventio sequuta esset de tempore habili ad disponendum, verisimiliter talem inæqualitatem inter filios non servasset; Super hoc autem pro veritate consultus.

Respondi casum videri planum pro hærede universali, aded ut nullius, vel satis modicæ dubitationis capax esset, solumque præfata bonorum obventio alteri filio in sola legitima instituto suffragabatur quoad eandem legitimam impinguandam, & non ultra; Certum enim est de jure, ut testamentum validum, ac perfectum, per superventum testatoris furorem, vel aliam mentis infirmitatem non infirmetur, nullamque alterationem recipiat *per text. ex-*

*press. in §. 2. instu. quibus non est perm. facer. testam. cum concordan. collectis per Harpræt. ibidem num. 10. cum sequen. ubi rationem, ac etiam rationis rationem expendit.*

Hoc atem posito; Cum paganus decedere non possit pro parte testatus, & pro parte intestatus, exinde sequitur, ut sive ex beneficio juris accrescendi, juxta unam opinionem, sive ex legis potentia, & dispositione, ob dictam incompatibilitatem juxta alteram, ubi etiam hæredis institutio expressè restricta esset ad certa bona, adhuc tamen, non dato alio hærede universali, seu eo dato, ac deficiente, talis institutio remaneat universalis, atque capiat omnia ad *text. in l. 1. §. si ex fundo, & l. quoties §. si duos ff. de hered. instu.* & utrobique communiter Scribentes, de quibus plenè *Bellon. jun. de jur. accresc. cap. 7. quæst. 7. Castill. lib. 3. controuv. cap. 17. Cyriac. controuv. 43. Allograd. conf. 77. num. 7. & per tot. lib. 1. Rota apud Gregor. decis. 244. num. 7. cum sequen. Outhobon. decis. 162. num. 6. & decis. 203. num. 11. & seq.*

Idque ex magis communi, ac recepta sententia amplius procedere, quam vis institutio concepta esset de certis bonis, cum dictione taxativa, tantum, nisi alia concurrerent inditia præcisæ voluntatis testatoris non disponendi ad favorem hæredis scripti, nisi de iis bonis, cum tunc cadere soleat quæstio potestatis, an scilicet eo etiam invito, dicta legis dispositio intret, vel potius ita implicite censentur scripti hæredes universales venientes ab intestato, qui jure cujusdam legati particularis gravati sint ad favorem scripti, ex plenè deductis *per Bellon. jun. cap. 10. quæst. 18. Fusur. de substitu. quæst. 277. num. 29.* Sed ubi hæc cessent, neque simus in casu, quo datus esset alter hæres universalis postea defectus, aded ut intrarent quæstiones examinatæ *apud Bellon. jun. dicto cap. 7. quæst. 8. cum sequen.* sed agatur de hærede cum verbis universalibus instituto, tunc casus remanet indubitatus; Nil obstant quod institutio concepta videretur de certis bonis, cum ea, (cessante præterim dictione taxativa) potius demonstrativè, quam taxativè adjecta censentur, ut advertitur *apud Outhobon. dicta decis. 203. num. 8.*

Clarius verò, ac sine dubio, ubi talis restrictio non adest, neque verba sunt univoca, aded ut tempus præsens, seu certa bona pernecessè denotent, sed agitur de verbo æquivoco, & apto comprehendere etiam bona postmodum obventa, utpotè verificabili de tempore Mortis, quando testamentum perfectionem recipere dicitur; Neque obstat dicebam motivata *per Soccin. jun. d. conf. 99. & alios*, cum ea rectè procedant in legatis, ac dispositionibus particularibus, in quibus regula est, ut strictè procedendum sit, ut quominus fieri potest, hæres gravatus censentur, tunc etenim nulla subest legis repugnantia, seu implicatio, ut dispositio ad bona tunc præsentia restringatur, dum testator in reliquis testatus quoque decedit, unde propterea casus videbatur omninò planus.

\* \* \*